



100

歷朝群賢事實

諸子百家捷

萬曆己亥春月鄭雲竹新鐫

錄孔聖全書

孔聖全書叙



汪覺民曾藏



太初無書。自洛龜獻徵。而書始出。典謨訓誥。作而書益詳。然非意其必傳也。世道人心。咸賴也。維我

至聖先師。賢于堯舜。遇不伊周。退與二三子。談道論德。纚纚洋洋。蓋詳於其言之矣。奈秦灰漢馬。散遺幾盡。後或

得之塚中。得之壁間。又得之老生口。授而互有異同。令識者起不見全書之嘆。幸大宋諸儒更相考核。故六經而下。二論家語。具悉口脞。猶庶幾存什一于千百也。噫。嗟。晨星。玆。惜未覩日月之大全也。乃茲閩士安生者。少明經而老博士業。極力搜羅。參訂群書。取論語所未備者。類成一帙。分為數卷。列為十三篇。首序譜系。見世澤之長。次及經學政事。見兼總之大。終以群賢事實。歷朝銘贊。見流光之遠。末附紫陽儀禮。又見道學之傳。永永未艾也。且其說多出左莊班馬及諸傳記中。即不盡裁之。

聖心亦羽翼其家法者。淳備哉。是編乎。
直與典謨共垂天壤。俱敵也。余承
制知閩南。貢舉事竣。適武夷。而得閱是
書。深幸。

聖道之大明。尤嘉安生之功。不在紫陽
下。亟付梓人。以公寓內。令有志者。盥
沐莊誦。若登闕里。而展拜。則哲人雖

逝。木鐸再揚。宛然見。

至聖于心目矣。亦豈小補云乎。命曰全
書固宜。

皆

萬曆丁酉歲季秋月上浣之吉

賜

進士第承事郎翰林院編修豫章雲嶠

劉曰寧撰



昔

龍飛萬曆己亥歲仲春月之吉

書林鄭雲竹鋟梓

叙畢

孔聖全書序

孔聖全書者何。安生夢松。誦法孔子。於是攷世系。次行年。述論著。典列代之。褒不崇。銘贊而作也。以篇凡十有三。上自六經。下采左國。家語諸子。百家。其間稱引仲尼。靡不蒐羅。而彙列稱全。

書云書成則以觀方子應俶序之應
俶何知間嘗竊聞先正之論孔子矣
曰孔子之道統之有宗會之有元至
簡也精而不襍融而不滯至約也故
其言曰吾道一以貫之舍一貫而漫
衍求之豈其博而寡要蹈龍門之譏
為安生曰夢松匪欲為務博也方今
天下逢掖孰不搏心揖志喁喁仲尼
顧治一經外往往抱咫尺之見弗睹
其全此與坐埴之觀何異不者溺志
空虛侈言要渺起家本洙泗而惟西
方貝葉為皈依其所關世道人心不

小夢松省概於心。是用廣編摩以資
考鏡。即無當于仲尼亡論已。倣伏而
嘆曰。嗟洋洋聖道乎。儻所稱溥博淵
泉。非耶。夫太虛之寥廓。萬象畢陳。滄
海之渺漫。衆流畢匯。聖門之色括衆
理。畢歸此博約之說也。博與約原無

二理。亦無偏用。彼不涉百氏津涯而
以凌躡起詣。舍博求約。君子以是為
徑約矣。李燾曰。至簡出於至煩。至要
出于至詳。安生意在斯乎。意在斯乎。
揭至大而不遺細。揭其精而不遺粗。
揭其遠而不遺邇。是測景而璣衡全。

涉海而舟航全也。闕里源派杏壇馨
欵。蓋予睹茲書。燦然大備。非企聖孰
能。經羅若此者乎。其為勤思可勝。是
哉。匡嶽先生有言。天地間無徑造的
聖賢。亦無頓悟的學問。其攝知歸止。
不啻詳矣。善學者無逐多岐。毋為局

曲由其全而求其所以全。庶幾哉無
負孔子歎安生績學操行。門墻翹楚。
其先博士雲衢公家學之傳。有自云。
萬曆戊戌季夏。上浣閩莆方應倣謹
序



曆已亥歲天

序

松嘗遠稽近獵諸子百家傳述不一其人紀載亦不一其事也夫諸子且有全書矣况孔子古今至聖也片言隻論皆模範典型魯論所載家語所錄特什伯中一二爾書之不全仍其散逸非稽古者之缺畧歟松自丁亥春計念及此因

搜

搜之羣言採之列論經傳之所具者靡

不摘而備焉。碩儒之所道者靡不探而

歲焉。疴瘵其形承蜩其志。蓋十年於斯

也。及年來。馱盈廂滿。幾於備矣。是故摠

為兩冊。分為十三篇。首曰聖代源流。凡

六十二代。代之紀之也。次曰聖世歲抄。

凡七十二歲。歲之錄之也。三曰聖學其

文學之數乎。四曰聖教其作人之化乎。

五曰聖政其德化之神乎。六曰聖智其

天錫之聰乎。七曰帝王君公則君道事

居多矣。八曰卿士大夫則臣道事居多

矣。九曰列論則世道事居多矣。十曰國

君問上之信於君也。以此十一曰弟子

問下之信於徒也。以此十二曰困誓篇。

其處安之權也。以此十三曰銘。號贊謚。其傳頌至今也。以此一十三篇中條類井然。遺訓具在。謂之曰孔氏全書。不其然乎。雖然。連城之璞。追之者以廟堂之具。圭璋之用也。徒曰供雕鏤資玩巧。則無貴于玉。合抱之木。美材也。若徒隱于深林。即有棟梁之具。將焉用之。噫。

豈膏木與玉為然。使是集也。徒珍之。已不幾于玩巧之璞。深林之棟乎。幸遇

朱師濬翁蒞任。

張師方翁。

方師惺翁以是聞之。

朱師師欣然喜曰。予之取士也。猶用醫然。敗鼓之皮。扁囊猶蓄。况參苓芪朮藥。

籠中珍物也。詎不重之。因而獎之。賞之。不已。聞之。

邑大夫史君。君深賞之。每注意焉。繼荐之。

方學院。

何巡按。俱蒙上賞。嗟又驛驛之品。非伯樂無以辨。夜光之璧。非卞和莫之識。今

日不遇。

伯卞將不為沙丘之驪塵埋之璧哉。坊人雲竹。鄭子索而梓之。後學省庸黃子閱而訂之。自今人且頌之。世將傳之。邈流窮源。伊誰之賜歟。夫筌注魚者也。蹄主兔者也。魚兔之獲。安可忘筌蹄之自故。以是及之。肯。

萬曆戊戌冬十月後學安夢松自序

告聖像

按祖庭廣記云先聖生有異質凡四十九表反骨注面月角日準河目海口
龍雞糾唇昌顏均頤輔喉
駢齒龍形龜脊虎掌胼脇
脩肱參膺圩頂山齊林背



翼臂注頭阜腴堤眉地足谷
竅雷聲澤腹脩上趨下末僂後耳面如蒙俱手垂過膝耳垂珠庭眉有十二
彩目有六十四理立如鳳峙坐似龍蹲手握天文足履度字望之如仆就之如
升視若營一四海躬履謙讓胸有文曰制作定世符身長九尺六寸腰大十圍

親得尼丘




聖人降生



龍吐玉書

不...
圖...
一...


戲陳祖



昭公賜鯉




為委懼古



禮誘仲由





原件短缺

P.5

學琴師表



於陳蔡



孔子全書
圖傳一卷





金人示戒



封魯司寇





像畢

請問萍實

刻孔聖全書目錄首卷

○一卷

聖代源流

上自契封於商賜姓子氏至國朝弘治十六年共六十二代止

○二卷

聖世歲抄

自三歲至七十二歲終

○三卷聖學

傳易商瞿

損益二卦

樂論易法

詩

書

禮

春秋

學樂萇弘

學琴師襄

問官郟子

問業老萊子

問禮老聃

再問道

三問仁義

四問至道

問交子桑戶

心齋說

坐忘說

將迎說

三省說

疇癯丈人說

操舟說

○四卷聖教

哀公冠禮

邾隱公冠禮

哀公婚禮

又哀公冠禮

喪禮子夏子騫

伯魚期哭

子游偶人訓

子路姊喪

魯人朝祥暮歌

孔子既祥

顏淵祥肉

哭踊有節

速貧速朽

子上之母死

拜而稽顙

孔子少孤

伯高之喪

子游喪具

舊館人喪

祭天地四方

天道人情

定公郊祀

不祈不麾

子貢觀蜡

子路為季氏祭

彌牟廟制

射孔子射矍圃

縣弧

父命君命

止季子璠與歛

忠訓

諫五義

孝訓子路負米

曾子芸瓜

丘吾子

友訓原壤母死

子路親交取友

孔子見羅者

子路人善我

孔子之郊

禮樂教子張

三恕三思

三憂

不學而好思

三懼

九徵

七教三至

三無五至

五經訓

戎山遊訓 即農山

景山遊訓

謙德訓

金人銘

歌訓

不慎訓

學訓長劔

子路戎服

情義訓

○五卷聖政

中都宰

魯司寇

萊兵

墮三都

誅少正卯

伐齊

救魯

五儀解

五刑解

用人哀公取人

子貢問人臣

尊賢賤不肖

介子推相荆

子賤單父

銅鞮伯華

祁黃羊對

高赫上賞

立政民富且壽

子貢問齊魯葉二君

子貢信陽宰

子路治蒲三年

子路治蒲見

子貢問畏民

子路蒲宰水備

鄭有卿校

子產有疾

叔向視鄭

哀公問攻守

為國堂上

子張問入官

閔子問政

齊大旱饑

子羔士師

愚公谷

田賦篇

用形問

又仲弓問

聽訟父子訟

苛政

古今刑教

將軍文子刑禮

息盜

子張知法

聽獄之術

仲弓聽訟

子張聽訟

季孫誅賞

○六卷聖智

萍實

商羊

土羊

肅慎氏矢

防丰氏骨

魯索氏祭

燔厘王廟

賜論邾君

子路死衛

趙襄子與

論趙簡子亂

宋人有行仁義者

○七卷帝王君公

帝王

黃帝

文王

武王

周公

周公相成王

楚莊王寢疾

昭王知大道

宋大水

太史太殽

陳惠公

召公

晉人伐楚

宰我問黃帝
秦繆公從秦
齊景公逐晏子

○八卷卿士大夫

太伯仲雍

商容

接輿

史鱮

君子之道三

見老聃

趙盾

管仲晏平仲

平仲

臧文仲

臧武仲

延陵季子知禮

季子遊于齊

又平仲

石奢

少連

申徒狄

虞人

魯男子

温伯雪子

少源婦人

卞莊子

夔一足

工尹商陽

榮啓期

司馬子綦

刻孔聖全書卷之一

後學

予喬

安夢松

纂

後學

省庸

黃大年

校

書林

雲竹

鄭世豪

梓

○聖代源流

昔契封于商賜姓子氏至周成王時以商之帝乙長子微子啓國于宋啓卒立其弟微仲衍衍生宋公稽稽生丁公申申生閔公恭及煬公熙閔公恭生弗父何何生宋父周周生世子勝勝生正考父考父生孔父嘉父嘉生木金父金父生祈父或曰鞏夷祈父

孔為氏而生孔防叔。防叔避宋率督之難，奔魯為大夫。因家於魯。防叔生伯夏，伯夏生叔梁紇。紇九女而無子。其妾生長子曰孟皮。有足疾，不任繼嗣，乃求婚于顏氏。顏氏有三女，其父問曰：「陬大夫雖父祖為卿士，然其先聖王之裔，今其人身長十尺，武力絕倫，吾甚貪之。雖年高性嚴，不足為疑。三子孰能為之妻？」二子莫對。其幼微在進曰：「從父所制，將何問焉？」父曰：「即爾能矣。」遂以妻之。紇與顏氏禱於尼丘，乃于魯襄公二十二年冬十月二十一日庚子，生夫子於魯昌平鄉陬邑。首上圜頂如尼丘，因名丘。字仲尼。先聖未生時，麟吐書于闕里，其文曰：「水精之子，繼衰周而素王。顏氏異之，以繡紱係麟之角，信宿乃去。生之夕，有二龍繞室，五老降庭，五老者五星之精也。長九尺六寸，月角日準，手握天文，足履度字，坐如龍踞，立如鳳峙。眉有十二采，目有二十四理，其頂似唐堯，其顙似虞舜。其項類皋陶，其肩類子產，自腰以下不及禹者三寸。骨有文曰：『制作定世符。』」

叔梁紇娶魯施氏，生九女。其妾生孟皮。或曰伯皮，又曰伯尼。病足，乃求婚于顏氏。

一代至聖文宣王，名丘，字仲尼，生子鯉。

二代鯉字伯魚生于周景王十二年。即魯昭公九年。既長魯哀公以幣召稱疾不行。年五十卒。宋崇寧元年追封泗水侯。咸淳三年陞從祀生子伋。

三代伋字子思。事祖仲尼。而受業于曾子。著書十九。補。今存者惟中庸。魯繆公以為國相。不受。適衛。不仕。貧甚。自若。後反于魯。教授其徒數百人。年及百餘歲卒。生子白。

四代白字子上。齊威公召為相。生子求。

五代求字子家。楚召不仕。生子箕。

六代箕字子京。為魏國相。生子穿。

七代穿字子高。楚魏趙皆召不仕。生子讓。

八代讓。史作斌。字子慎。為魏安釐王相。後魏景王封為魯文信君。生子三。鮒。騰。樹。

九代鮒字子魚。秦始皇召為魯國文通君。拜少傅弟。騰。繼襲封。

騰字子襄。漢高祖元年。封為奉嗣君。惠帝以為博士。遷長沙太守襲封。生子忠。

樹字子文。兄弟自為師友。

十代忠字子貞。漢文帝徵為博士。封褒成侯。生子二。武。安國。

隨字元路。射子承殷後。為宋公。

聚子產樹子。為漢高祖將軍。以功封蓼侯。謚曰夷。

十一代武字子威。為漢文帝博士。臨淮太守。生子延年。

減聚子嗣蓼侯。拜太常典禮。賜如三公。

安國字子國忠子。為武帝博士。仕至臨淮守。

十二代延年。武帝時為博士。傳少傅。延大將軍。生子

霸。

邛字子邛安國子。

琳減子。嗣蓼侯。

十三代霸字次儒。為昭帝時博士。元帝朝拜太師。賜

爵關內侯。號褒成君。生子四。福捷喜光。

驩邛子。為博士弘農。

黃琳子嗣蓼侯。後坐事削封。

茂黃弟。漢以其祖聚有功。封關內侯。

十四代福。成帝襲封關內侯。生子房。

立驩子。善詩書。與劉歆友善。教授數百人。

宣聚之孫。為長安公士。

捷霸次子。與弟喜並列校諸曹。

光字子夏。霸少子。仕漢成哀平。為御史大夫。丞相。

又為大司徒太傅太師居公輔位封博山侯。
吉。鮒五世孫。漢成帝綏和元年詔求殷後封為殷
紹嘉侯。進爵為公。

十五代房。哀帝朝襲封關內侯。生子均。

十六代均。字長平。平帝元始元年襲封關內侯。平帝
更封褒成侯。生子志。

十七代志。光武拜大司馬。建武十四年襲封魯國褒
成侯。生子損。

十八代損。字君益。明帝永平十四年襲封褒成侯。和
帝永元四年襲封褒亭侯。食邑一千邑。生子曜。

十九代曜。字君曜。襲封褒亭侯。生子完。

二十代完。襲封褒亭侯。無子。以弟讚子美繼。

二十一代美。字子餘。魏文帝黃初元年拜議郎。襲封
崇聖侯。生子震。

二十二代震。字伯起。晉武帝泰始元年拜太常卿。黃
門侍郎。改封奉聖亭侯。食邑二千戶。生子嶷。

二十三代嶷。字功成。襲封奉聖亭侯。食邑二千戶。生
子撫。啓。

二十四代撫。為豫章太守。襲封奉聖亭侯。食邑一千
戶。生子懿。

二十五代懿襲封奉聖亭侯。食邑一千戶。生子鮮。

二十六代鮮字鮮之。宋文帝元嘉十九年襲封奉聖亭侯。改封崇聖侯。生子乘。

二十七代乘字敬山。後魏孝文帝延興三年封崇聖大夫。食邑五百戶。生子靈珍。

二十八代靈珍授秘書郎。魏孝文帝太和十九年仍封崇聖侯。食邑一千戶。生子文秦。

二十九代文秦襲封崇聖侯。食邑一千戶。生子渠。

三十代北齊文宣帝天保元年改封恭聖侯。後周靜帝太象元年改封鄒國公。食邑一千戶。生子長孫。

嗣愬

三十一代長孫襲封鄒國公。食邑一千戶。生子英愬。

三十二代英愬襲封奉聖侯。魚子嗣愬繼。

嗣愬襲封兄英愬爵鄒國公。煬帝大業四年改封紹聖侯。食邑一千戶。隋文帝時應制登科。授注州司兵參軍。遷太子通事舍人。生子德倫。

三十三代德倫。唐高祖武德九年改封褒聖侯。貞觀十一年詔位同三品。食邑一千戶。生子崇基。

三十四代崇基。中宗嗣聖十二年襲封褒聖侯。生子遜之。

三十五代璩之字歲暉玄宗開元五年襲封褒聖侯
二十七年改封文宣公食邑一千戶生子萱

三十六代

三十七代

三十八代惟晁憲宗元和十三年兖州參軍襲封文
宣公

三十九代策曲阜縣尉襲封文宣公生子二振拯

四十代振字國文咸通四年狀元及第襲封文宣公
生子昭儉

四十一代昭儉任南陵尉兖州司馬累宰曲阜襲封
文宣公生子光嗣

四十二代光嗣哀帝天祐二年授泗水令陵廟主生
子仁玉

四十三代仁玉字溫如昭宣帝二年襲封文宣公後
周太祖二年授曲阜縣令兼監察御史贈兵部尚
書生子四宜憲冕最

四十四代宜字不疑宋太宗太平興國三年襲封文
宣公生子三延世延澤延渥

四十五代延世字茂光至道三年為曲阜令真宗咸
平元年襲封文宣公生子聖佑

四十六代聖佑。真宗天禧五年。襲封文宣公。生子若蒙。

四十七代若蒙。字公明。熙寧三年。仙源主簿。哲宗天祐元年。改封奉聖公。生子端友。坐事廢。以弟若虛繼之。

四十八代端友。字子交。宋徽宗崇寧三年。襲封衍聖公。建炎初。偕叔父傳扈。從高宗南渡。寓衢。終知郴州。生子玠。

四十九代玠。字錫老。宋高宗紹興二年。襲封衍聖公。于衢。生子搢。

五十代搢。字季紳。紹興二十四年。襲封衍聖公。于衢。生子文遠。

五十一代文遠。字紹先。宋孝宗淳熙四年。襲封衍聖公。于衢。生子萬春。

五十二代萬春。字。

五十三代洙。字景清。宋襲封衍聖公。于衛。自端友襲封。凡六世。至元十九年。召洙戴封赴闕。洙以廟墓在衢。不敢棄離。讓爵山東孔治。承襲。世祖嘉其寧遠。榮而不違道。真聖人之後也。授為國子祭酒。提舉浙東學校。歸守江南。于是正嗣始罷封焉。

治字世安之金子。元世祖中統元年改為曲阜令。權主祀事。元貞年襲封衍聖公。生子思誠。罷封。五十四代思晦字明道。宋仁宗延祐三年襲封衍聖公。生子克堅。

五十五代克堅字景夫。順宗至正元年襲封衍聖公。生子希學。

五十六代希學字士行。順宗至正五年襲封衍聖公。國朝洪武元年授資善大夫襲封衍聖公。又詔孔氏子孫襲封衍聖公。并世襲知縣。並如前代舊制。洪武二年賜襲衍聖公屬官三員。管勾典籍司樂掌書一名。書寫一名。知印一名。奏差一名。尼山洙泗二虛書院山長各一員。又設三氏教授一員。學錄一員。學司二名。

五十七代訥字言伯。洪武十七年襲封衍聖公。生子公鑑。

五十八代公鑑字昭文。洪武三十三年襲封衍聖公。生子彥縉。

五十九代彥縉字朝紳。永樂八年襲封衍聖公。生子承慶。

六十大代承慶字永祚。景泰六年贈襲封衍聖公。生子

弘緒弘泰。

六十一代弘緒字以敬。景泰六年襲封衍聖公。生子聞韶。以弟弘泰繼封。

六十二代聞韶字知德。弘治十六年襲封衍聖公。

聞詩弘泰子。

按周季至我明。經十朝。自孔聖至今日。凡六十餘代。孰不師法孔子。而不溯其源流。終為缺畧。故首及之。

孔聖全書卷之一終

刻孔聖全書卷之二

後學 予喬 安慶松 纂

後學 省庸 黃大年 校

書林 雲竹 鄭世豪 梓

○聖世歲抄

三歲父叔梁紇卒。

六歲為兒戲嬉。常陳俎豆。設禮容。

十五歲適聞孟仲子之子殺豎牛于塞關之外。乃撫然而論之曰。叔孫昭子之不勞。不可能也。周任有言曰。為政者不賞私勞。不罰私怨。詩云。有覺德行。

四國順之

十七歲魯大夫孟釐子病且死。戒其嗣懿子曰。孔丘
聖人之後。滅于宋。其祖弗父何。始有宋。而推讓厲
公。及正考父。佐戴武宣公。三命茲益恭。故鼎銘云。
一命而僂。再命而偃。三命而俯。循墻而走。亦莫敢
予侮。饘於是。粥於是。以餬予口。其恭如是。吾聞聖
人之後。雖不當世。必有達者。今孔丘年少好禮。其
達者歟。吾即沒。必師之。及孟釐子卒。懿子與魯人
南宮敬叔往學禮焉。是歲季武子卒。平子代立。
十九歲娶開官氏。

二十歲仕于魯。為委吏。料量平。

二十一歲為乘田。養畜蕃息。

二十四歲母顏氏夫人卒。

二十六歲母喪既祥。五日彈琴不成聲。十日而成笙
歌。

二十七歲邾子來朝。夫子見而問官。載在聖學篇

二十八歲見邾子而學禮。既而告人曰。天子失官。學
在四夷。此言信也。

二十九歲聞師襄善琴。適晉學之。事載聖學篇

三十歲齊景公與晏嬰適魯。景公問曰。昔秦繆公國

子聖全書 卷二
小處僻其伯何也。夫子對曰。秦國雖小。其志大。處雖僻。行中正。身舉五殺。爵之大夫。起累紕之中。與語三日。授之以政。以此取之。雖王可也。其伯小矣。
景公說

三十一歲。齊景公遣使來聘。遂適齊。

三十二歲。齊景公欲以廩丘之邑為養。辭不受。謂弟子曰。吾聞之。君子當有功受賞。今吾言而君未行。乃先賜邑。其不知立亦甚矣。

三十三歲。在齊。景公舍于外館。周使至。言先王廟焚。公曰。何王之廟。夫子曰。其釐王之廟乎。事載聖智篇

三十四歲。訪樂於萇弘。事載聖智篇

周使伯常騫問道。夫子曰。剖者必折。勁者必傷。倨者不親。利者必弊。此四者君子之所戒也。

夫子觀乎明堂。睹四門墉有堯舜桀紂之象。又有周公抱成王負斧扆。朝諸侯之圖。謂從者曰。夫明鏡所以察形。往古所以知今。又入后稷廟。有金人三。鍼其口。而銘其背曰。載聖教篇

三十五歲。自衛反魯。南宮敬叔言于魯君曰。請與孔子適周。魯君與之一乘車。兩馬。一豎子。俱適周。見老聃而問禮焉。老聃曰。子所言。其人與骨皆已朽。

矣。獨其言在耳。君子得其時則駕，不得時則蓬累而行。吾聞之。良賈深藏若虛，君子盛德容貌若愚。去子之驕氣與多慾態，色與淫志，皆無益于子之身。吾之所告子者，若此而已。既辭去，老子送之曰：吾聞富貴者云。

載聖學篇

三十六歲季平子與邠伯以鬪鷄故得罪於魯昭公。昭公率師擊平子，平子與孟氏、叔孫氏三家共攻昭公，昭公師敗，奔于齊。齊處昭公乾侯。其後頃之魯亂，孔子適齊，為高昭子家臣，欲以通乎景公。與齊太師語樂，聞韶音學之三月，不知肉味。景公問

政，孔子曰：君君臣臣，父父子子。他日又問政，孔子曰：政在節財。景公悅，將以尼谿田封孔子。晏嬰進曰：夫儒者滑機而不可軌法，倨傲自順，不可以為下。崇喪遂哀，破產厚塗，不可以為俗。遊說乞貸，不可以為國。自大賢之息，周室既衰，禮樂缺，有間。今孔子盛容飾，繁登降之禮，趨詳之節，累世不能殫其學，當年不能究其禮。君欲用之，以移齊俗，非所以先細民也。後景公見孔子，不問其禮，異日景公止孔子，奉子以季氏。吾不能以季孟之間待之。齊大夫欲害孔子，孔子遂行，反乎魯。

三十七歲。自齊歸魯。見延陵季子。聘于上國。季子之
子死。夫子往觀其喪。曰。延陵季子其合禮矣。載賢
士大夫篇

三十九歲。在魯。

四十二歲。魯昭公卒于乾侯。定公立。立五年。夏季平
子卒。桓子嗣立。季桓子穿井。得土。缶中若羊。

是年吳伐越。墮會稽。得骨節。專車。

二事俱載聖智
篇

四十三歲。在陳。

四十四歲。在魯。桓子嬖。臣曰仲梁懷。與陽虎有隙。陽
虎欲逐懷。公山不狃止之。其私懷益驕。陽虎執懷。

桓子怒。陽虎因囚桓子。與盟而釋之。陽虎由此益
輕季氏。季氏亦僭于公室。陪臣執國政。是以魯自
大夫以下。皆僭離于正道。故孔子不仕。退而脩詩
書禮樂。弟子彌衆。至自遠方。莫不受業焉。

四十六歲。在魯。觀于魯。桓公之靈。有歌器焉。

載聖教
篇

四十七歲。公山不狃不得意於季氏。因陽虎為亂。欲
廢三桓之適。更立其庶孽。陽虎所素善者。遂執季
桓子。桓子詐之得脫。

四十八歲。陽虎不勝。奔于齊。

五十歲。公山不狃以費畔。季氏使人召孔子。子欲往。

子路不悅。孔子曰：夫召我者，豈徒哉！如用之，吾其為東周乎？然亦卒不行。

五十一歲定公以孔子為中都宰。為司空。由司空為大司寇。攝朝政七日而誅亂政大夫少正郊於兩觀之下。載聖政篇

五十二歲齊大夫犁鉏言於景公曰：魯用孔子，其勢危齊。乃使使告魯為好會。會於夾谷。載聖政篇

五十三歲為魯大司寇。國人謗之曰：載困誓篇

五十四歲言于定公曰：臣聞家不藏甲，大夫無百雉之城。今三家過制，請損之。墮三都。載聖政篇

五十五歲在魯。與聞國政。三月羔豚不飾價，男女別于塗，塗不拾遺。齊人聞而懼曰：孔子為政必伯。伯則吾地近焉。我之為先并矣。盍致地焉。犁鉏曰：請先嘗沮之。設為女樂以沮焉。桓子卒受女樂，又不致膳俎于大夫。乃作猗蘭之操曰：習習谷風，以陰以雨。之子于歸，遠送于野。何彼蒼天，不得其所。逍遙九州，無有定處。世人闇蔽，不知賢者。年紀逝邁，一身將老。遂行宿于屯。而師已送曰：夫子則非罪。孔子曰：吾歌可夫。歌曰：彼婦之口，可以出走。彼婦之謁，可以死敗。蓋優哉游哉，維以卒歲。師已反桓。

子曰。孔子亦何言。師以實告。桓子喟然嘆曰。夫子罪我。以群婢故也。遂適衛。主于子路妻兄顏濁鄒家。

五十六歲在衛。衛靈公問孔子在魯得祿幾何。對曰。奉粟六萬。衛人亦奉粟六萬。居頃之。或譖孔子於衛靈公。靈公使公孫余假一出一入。孔子恐獲罪。去。居十月去衛。自衛至曹。自曹至宋。

五十七歲自宋適陳。過匡。匡人圍之。五日。甲者進曰。吾初以為陽虎也。遂解圍。載困誓篇

五十九歲在衛。靈公老不用夫子。夫人有南子者。使

人謂孔子曰。四方之君子不辱欲與寡君為兄弟者。必見寡小君。寡小君願見夫子。辭謝不得已而見之。夫人在絺。維中。夫子入門。北面稽首。夫人自維中再拜。環佩玉。声璆然。夫子曰。吾向為弗見。見禮答焉。居衛月余。靈公與夫人同車。宦者雍渠參乘。出使夫子為次。乘招搖市過之。孔子曰。吾未見好德如好色者也。于是醜之。去衛過曹。是歲魯定公卒。孔子去曹適宋。

六十歲在宋。與弟子習禮大樹下。宋司馬桓魋欲殺孔子。拔其樹。孔子去。弟子曰。可以速矣。孔子曰。天

生德于予。桓魋其如予何。孔子適鄭。與弟子相失。孔子獨立郭東門。鄭人或謂子貢曰。東門有人。其顙似堯。其項類臯陶。其肩類子產。然自腰以下。不及禹三寸。囁囁若喪家之狗。子貢以實告孔子。孔子欣然笑曰。形狀未也。而似喪家之狗。然哉。然哉。孔子遂至陳。主于司城貞子家。歲餘。吳王夫差伐陳。取三邑而去。趙鞅伐朝歌。楚圍蔡。蔡遷于吳。吳敗越王句踐。會稽有隼集于陳庭而死。楛矢貫之。石砮長尺有咫。陳潛公使使問仲尼。仲尼曰。隼來遠矣。此肅慎氏之矢也。昔武王克商。載聖智篇

孔子居陳三歲。會晉楚爭疆。更伐陳。及吳侵陳。陳常被寇。于是。在陳。孔子曰。歸與。歸與。吾黨之小子。狂簡。進取。不忌。其初。

六十一歲。自陳過蒲。會公叔氏。以蒲叛。蒲人止孔子。弟子有公良孺者。以私車五乘從孔子。其為人長。賢。有勇力。謂曰。吾昔從夫子。遇難于匡。今又遇難于此。命也已。吾與夫子再罹難。寧闔而死。聞甚疾。蒲人懼。謂孔子曰。苟毋適衛。吾出。子與之盟。出孔子。東門。孔子遂適衛。子貢曰。盟可負耶。孔子曰。要盟也。神不聽。衛靈公聞孔子來。喜。郊迎。問曰。蒲可

子聖公言
伐乎。對曰：可。靈公曰：吾大夫以為不可。今蒲衛之
所以待晉楚也，以衛伐之，毋乃不可乎？孔子曰：其
男子有死之志，婦人有保西河之志，吾所伐者不
過四五人。靈公曰：善，乃不伐蒲。

六十二歲在衛。靈公老，怠于政，不用孔子。孔子喟然
嘆曰：苟有用我者，朞月而已可也。三年有成。孔子
行，佛肸為中牟宰，趙簡子攻范中行，伐中牟，佛肸
叛，使人召孔子。孔子欲往，子路曰：由也聞諸夫子，
其身親為不善者，君子不入也。孔子曰：有是言也，
不磷不緇。云云孔子擊磬，有荷蕢而過門者，曰：有

心哉擊磬乎

是歲孔子學琴師襄子。載聖學篇

孔子既不得用于衛，將西見趙簡子。至于河，而聞
竇鳴犢、舜華之死也。臨河而歎曰：美哉水洋洋乎，
立之不濟，此命也。夫子貢趨而問曰：敢問何謂也？
孔子曰：竇鳴犢、舜華，晉之賢大夫也。趙簡子未得
志之時，湏此兩人而後從政，及其已得志，殺之。丘
聞之曰：刳胎殺夭，則麒麟不至其郊；澤竭涸魚，則
蛟龍不處其淵；覆巢毀卵，則鳳凰不翔其邑。何則？
君子諱傷其類也。夫鳥獸之于不義也，尚知辟之。

而况乎丘。執乃還息乎。陬鄉。作為陬操。以哀之曰。周道衰微。禮樂凌遲。文武既沒。吾將焉師。周游天下。靡邦可依。鳳鳥不識。珍寶鳴鴉。春鳥。雁之。慘焉心悲。升車命駕。將適晉都。黃河洋洋。悠悠之魚。臨津不濟。還轅息陬。傷予道窮。哀彼無辜。翱翔于衛。復我舊廬。從吾所好。其樂只且。遂反乎衛。主邁伯玉家。

六十三歲。自衛之陳。陳侯起陵陽之臺。未畢而死者數十人。又執三監吏。將殺之。夫子既見陳侯。與登臺而觀。陳侯曰。昔周作靈臺。亦戮人乎。對曰。文王之興。附者六州。六州之衆。以子道來。不日成之。何戮之有。陳侯赦所執吏。遂罷。

秋。齊景公卒。夫子自蔡如葉。葉公問政。孔子曰。政在來遠。附邇。他日葉公問孔子于子路。子路不對。忘食忘憂。云云

既而去葉。反于蔡。長沮。桀溺。耦而耕。問津。遇丈人。云云

時宰予在楚。楚昭王欲以安車象飾遺夫子。宰予曰。夫子無以此為也。自臣從夫子以來。夫子言不離道。動不遺仁。貴賤尚德。清而好儉。仕而不祿。所

以無積。不合則去。退無吝心。妻不服采。妾不衣帛。車器不雕。馬不食粟。道行則樂其治。不行則樂其身。此所以為夫子也。若夫觀目之靡麗。窈窕之淫音。夫子過之弗視。遇之弗聽。故臣知夫子無用此車也。王曰。今而後知夫子之德也。

齊問商羊

載聖智篇

楚問萍實

載聖智篇

吳伐陳。楚救陳軍于城父。聞夫子在陳蔡之間。楚使人聘夫子。夫子將往拜禮。陳蔡大夫謀曰。孔子賢者。所刺譏皆中諸侯之疾。今者久留陳蔡之間。

諸大夫所設行。皆非仲尼之意。今楚大國也。來聘孔子。孔子用于楚。則陳蔡用事。大夫危矣。于是乃相與發徒役圍孔子于野。

云

載困誓門

楚昭王將以書社地七百里封孔子。楚令尹子西

云

載困誓篇

於是自楚反乎衛

六十四歲衛君輒父不得立在外。諸侯數以為讓。而孔子弟子多仕于衛。孔子曰。魯衛之政兄弟也。衛君欲得孔子為政。子路曰。衛君待子而為政。子將奚先。子曰。必也正名乎。

云

云

是歲吳與魯會。繒徵百牢。太宰嚭召季康子。康子使子貢往。然後得已。

六十六歲夫人開官氏卒。

六十七歲伯魚母死。期年而猶哭。夫子聞之曰：「誰歟？」門人曰：「鯉也。」夫子曰：「嘻！其甚也。」伯魚聞之，遂除之。六十八歲在衛，冉有為季氏將師，與齊戰于郎，克之。季康子曰：「子之于軍旅，學之乎？性之乎？」冉有曰：「學之于孔子。」康子曰：「孔子何如人哉？」對曰：「用之有名，播之百姓，質之鬼神，而無憾。求之至于此道，雖累千社，夫子不利也。」康子曰：「我欲召之，可乎？」對曰：「欲

召之，則毋以小人固之，則可矣。」而衛孔文子問策于仲尼。仲尼辭不知，退而命載而行，曰：「烏能擇木，木豈能擇鳥乎？」文子固止，會季康子，逐公華公賓公林，以幣迎孔子。孔子歸魯，魯哀公問政，對曰：「政在選臣。」康子問政，曰：「舉直錯枉，則枉者直。」康子患盜，孔子曰：「苟子之不欲，雖賞之不竊。」

孔子之去魯，凡十四歲，而反乎魯。作丘陵之歌曰：「登彼丘陵，嶺巖其阪，仁道在邇，求之若遠。遂迷不復，遂嬰屯蹇，喟然四顧，題彼太山，鬱確其高，梁甫四連，枳棘充路，陟之無緣，將伐無柯，患滋蔓延，惟

以永嘆涕洟潺湲然魯終不能用夫子亦不求仕
是時周室微而禮樂廢詩書缺追迹三代之禮序
書傳禮上紀唐虞之際下至秦繆編次其事曰夏
禮吾能言之云

觀殷夏所損益曰後百世可知也。以一文一質周
監二代郁郁乎文哉吾從周。故書傳禮記自孔氏
孔子語魯太師云云。吾自衛反魯然後樂正雅頌
各得其所。古者詩三千餘篇及至孔子去其重取
可施于禮樂上采契后稷中述殷周之盛至幽厲
之缺始于衽席故曰關雎之亂以為風始鹿鳴為

小雅始文王為大雅始清廟為頌始三百五篇皆
弦歌之以求合韶武雅頌之音。禮樂自此可得而
述以備王道成六藝孔子晚而喜易序係象說卦
文言讀易常編三絕曰假我數年若是我于易則
彬彬矣孔子以詩書禮樂教弟子蓋三千焉身通
六藝者七十有二人如顏濁鄒之徒頗受業者甚
衆孔子以四教文行忠信絕四母意母必母固母
我所慎齋戰疾及論語云云

六十九歲子伯魚卒

七十歲在魯公館焉公自阼階夫子自賓階升堂立

侍公命以席問政。夫子對曰：政之急莫大乎使民富且壽也。公曰：為之柰何？對曰：省力役，薄賦斂，則民富；崇禮教，遠罪戾，則民壽。公曰：寡人欲行夫子之言，恐吾國貧不能至也。詩曰：愷悌君子，民之父母。未有子富而父母貧者。公曰：寡人生于深宮之中，長于婦人之手，未嘗知哀，未嘗知憂，未嘗知勞，未嘗知危，未嘗知懼，不足以行此也。對曰：君入太廟，如右，登自阼階，仰視椽，俯察几筵，其器皆存，而不睹其人，以此思哀，則哀可知矣；昧爽夙興，正其衣冠，平旦視朝，慮其危難，一物失理，亂亡之端，以此思憂，則憂可知矣；日出聽政，至于日晏，諸侯子孫來往如賓，行禮揖讓，慎其威儀，以此思勞，則勞可知矣；緬然長思，出于四門，周遊遠望，視亡國之墟，必將有數焉，以此思懼，則懼可知矣。夫君者，舟也；庶人者，水也；水能載舟，亦能覆舟，以此思危，則危可知矣。公曰：善。于是廢山澤之禁，弛關市之稅，以惠百姓。

七十一歲。魯哀公十四年春，狩大野。叔孫氏車工鉏商獲獸，以為不祥，仲尼視之，曰：麟也。取之。曰：河不出圖，雒不出書，吾已矣夫。及西狩，曰：吾道窮矣。喟

然嘆曰。莫我知也。夫乃因史記作春秋。上至隱公。下訖哀公十四年。舉十二公行事。繩之以文武之道。成以一王之法。其文約。其旨博。故吳楚之君。自稱王。而春秋貶之曰子。踐土之會。實召周天子。而春秋諱之曰天王。狩于河陽。推此類以繩當世。貶損之義。在位聽訟。文詞有可與人共者。弗獨有也。至于春秋筆則筆。削則削。游夏之徒。不能贊一辭。弟子受春秋。夫子曰。後世知丘者。以春秋而罪丘者。亦以春秋。

七十二歲。夫子病。子貢請見。夫子方負手曳杖。逍遙

於門。歌曰。太山其頽乎。梁木其壞乎。哲人其萎乎。既歌而入。當戶而坐。子貢聞之曰。泰山其頽。吾將安仰。哲人其萎。吾將安放。夫子殆將病也。遂趨而入。夫子曰。賜。爾來何遲也。夏后殯于東階之上。則猶在阼也。殷人殯于兩楹之間。則與賓主夾之也。周人殯于西階之上。則猶賓之也。而丘也。殷人也。予疇昔之夜。夢坐奠于兩楹之間。夫明王不與天下其孰能宗予。予殆將死也。蓋寢七日而沒。乃哀公十六年。四月乙丑。哀公誅之曰。昊天不弔。不慙遺一老。俾屏予一人。以在位。斃斃余在疚。嗚呼哀

刻孔聖全書卷之三
聖學篇

傳易商瞿

孔子傳易於商瞿。商瞿年長無子。其母為娶室。孔子使之齊。瞿母請之。孔子曰。無憂。瞿年四十。後當有五子。已而果然。子貢曰。何以知此。子曰。卦遇大畜。艮之二世。九二甲寅木為世。立五景行水為應。世生外象。生象來爻。生互內象。應有五子。以是知之。孔子易傳于瞿。瞿傳于楚人馯臂子弘。以至楊何。何元朔。皆瞿授受之功也。

論損益二卦

孔子讀易至損益喟然而嘆。子夏避席而問曰：夫子何歎焉？孔子曰：夫自損者必有益，自益者必有損。吾是以歎也。子夏曰：然則學者不可以益乎？子曰：非道益之謂也。道彌益而身彌損。夫學者損其自多，虛以受人，故能成其滿。博學天道成而必變，凡持滿而能久者，未嘗有也。

槩論易法

始終不變，易之常也。動靜不常，易之變也。不知常，不足以通變。不通變，不足以知常。常也，變也。其易之原

乎

詩

孔子讀詩及小雅，嘆曰：吾于周南召南見周道之所以盛也。于柘舟見匹婦執志之不可易也。于淇澳見學之可以為君子也。于考槃見遁世之士而不悶也。于木瓜見苞苴之禮行也。于緇衣見好賢之心至也。于鷄鳴見古之君子不忘其敬也。于伐檀見賢者之先事後食也。于蟋蟀見陶唐儉德之大也。于下泉見亂世之思明君。于七月見姬公之所以造周也。于東山見周公之先公後私。于狼跋見周公之遠嫌，所以

為聖也。于鹿鳴見君臣之有禮也。于彤弓見有功之必報也。于羔羊見善政之有應也。于節南山見忠臣之憂世也。于蓼莪見孝子之思養也。于楚茨見孝子之思祭也。于裳裳者華見古之賢者世保其祿也。于采芣見古明王之所以敬諸侯也。

書

子夏問書大義曰。吾于帝典見堯舜之聖焉。于大禹臯陶謨益稷見禹臯益稷之忠勤功勳焉。于洛誥見周公之德焉。故帝典可以觀美。大禹謨禹貢可以觀事。臯陶謨益稷可以觀政。洪範可以觀度。泰誓可以觀義。五誥可以觀仁。呂刑可以觀譏。通斯七者則書之大義可舉矣。

禮

孔子曰。夫禮先王所以奉天之道。洽人之情。列之鬼神。達于喪祭。鄉射冠婚朝聘。故聖人以禮示之。則天下國家可以禮正矣。言偃曰。今之在位者。莫知由禮何也。孔子曰。嗚呼哀哉。我觀周道。幽厲傷矣。吾舍魯何適。夫魯之郊及禘皆非禮。周公其衰矣乎。

春秋

夫子當道不行。退而修春秋。采毫毛之善。貶纖芥之

惡人事。浹王道備。精和聖制。上通于天。而麟止。此天之知夫子也。于是喟然嘆曰。天以至明。為不可蔽乎。日何為而食。地以至安。為不可危乎。地何為而動。天地尚有動蔽。是故聖賢生于世。而不得行其道。故災異並作也。夫子曰。不怨天。不尤人。下學而上達。知我者其天乎。

學樂莒弘

三十四歲訪樂於莒弘。弘謂劉文公曰。吾觀仲尼有聖人之表。河目而龍顏。黃帝之形貌也。修肱而龜背。長九尺六寸。成湯之形體也。言必稱先王。躬禮讓。洽聞強記。博物不窮。其聖人之興者乎。劉子曰。方今周室衰微。而諸侯力爭。孔丘布衣。聖將安施。莒弘曰。堯舜文武之道。或弛而墜。禮樂崩喪。亦正其統紀而已。既而夫子聞之。曰。吾豈敢哉。亦好禮樂者也。

學琴師襄

孔子學琴師襄。十日不進。襄子曰。可以益矣。孔子曰。丘已習其曲矣。未得其數也。有間曰。已習其數。可以益矣。孔子曰。丘未得其志也。有間曰。已習其志。可以益矣。孔子曰。丘未得其為人。有間曰。有所穆然。深思焉。有所怡焉。高望而遠志焉。曰。丘得其為人。黯然而

而黑幾然而長。眼如望羊。如王四國。非文王其誰能如此也。師襄子避席再拜曰。師。蓋云文王操也。

問官 郊子

郊子朝魯。魯人問曰。少昊氏以鳥名官。何也。對曰。吾祖也。我知之。昔黃帝以雲紀官。故為雲師。而雲名。炎帝以火。共工以水。太昊以龍。其義一也。我高祖少昊之王也。鳳鳥適至。是以紀之于鳥。故為鳥師。而官名。自顓頊氏以來。不能紀遠。乃紀于近。為民師。而命以民事。則不能故也。孔子聞之。遂見郊子而學焉。

問業 老萊子

老萊子弟子出薪。遇仲尼。反以告曰。有人于彼。修上而趨下。末僂而後耳。視若營四海。不知其誰氏之子。老萊子曰。是丘也。召而來。仲尼至曰。丘去汝躬矜色。與汝容聲。斯為君子矣。仲尼揖而退。蹙然改容而問曰。業可得進乎。老萊子曰。夫不忍一世之傷。而驚萬世之患。抑固窶耶。亡其畧弗及耶。惠以歡為驚。終身之醜。中民之行。進焉耳。相引以名。相結以隱。與其譽堯而非桀。不如兩忘。而閉其所譽。反無非傷也。動無非邪也。聖人躊躇以興事。以每成功。柰何執其載焉。終矜爾。

問禮老聃

孔子謂南宮敬叔曰。吾聞老聃博古通今。則吾師也。今將往矣。敬叔俱與至周。問禮於老聃。訪樂於萇弘。歷郊社之所。考明堂之制。察廟廷之度。于是喟然嘆曰。吾今乃知周公之聖。與周之所以興也。及去周。老子送之曰。吾聞富貴者送人以財。仁者送人以言。吾雖不能富貴。而竊仁者之號。請送子以言。可乎。凡當今之人。聰明深察。而近于死者。好譏議人者也。辨博閑遠。而危其身。好發人之惡者也。孔子曰。敬受教。自周反魯。道彌尊矣。遠方弟子之進。蓋三千焉。孔子觀乎明堂。及四門墉。有堯舜之容。桀紂之象。而各有善惡之狀。興廢之誠焉。又有周公相成王。負斧扆南面。以朝諸侯之圖焉。孔子徘徊而望之。謂從者曰。此周之所以盛也。夫明鏡所以察形。往古所以知今。人主不務襲迹于其所以安存。而急急所以危亡。未有異於却步而求及前人也。

再問

孔子行年五十有一。而不聞道。乃南之沛。見老聃。老聃曰。子來乎。吾聞子北方之賢者也。子亦得道乎。孔子曰。未得也。老子曰。子惡乎求之。曰。吾求之于度数。

五年而未得老子曰子又惡乎求之曰吾求之于陰陽十有二年而未得老子曰然使道而可獻則人莫不獻于君使道而可進則人莫不進之于親使道而可以告人則人莫不告其兄弟使道而可與人則人莫不與其子孫然而不可者無他中無主而不止外無正而不行由中出者不受于外聖人不出由外入者無主于中聖人不隱名公器也不以多取仁義先王之蘧蘆也止可以一宿而不可以久處觀而多責

三問

孔子見老聃而語仁義老聃曰夫播糠眯目則天地四方易位矣蚊虻嗜膚則通夕不寐矣夫仁義慘然乃憤吾心亂莫大焉吾子使天下無失其朴吾子亦放風而動搃德而立矣又奚傑然若負建鼓而求亡子者耶夫鵠不日浴而白烏不日黔而黑黑白之朴不足以為辨名譽之觀不足以為廣泉涸魚相與處于陸相啣以濕相濡以沫不若相忘于江湖

四問

孔子問于老聃曰今日晏閒敢問至道老子曰汝齋戒疏瀹而心澡雪而精神培擊而知大道窅然難言也將為汝言其崖畧夫昭昭生于冥冥有倫生于無

形精神生于道。形本生于精。而萬物以形相生。邀于此者。四股疆。思慮恂達。耳目聰明。其用心不勞。其應物無方。天不得此不高。地不得此不廣。日月不得此不行。萬物不得此不昌。此其道歟。

問交於子桑

孔子問子桑。子桑曰。吾再逐于魯。伐木於宋。削迹于衛。窮于商周。圍于陳蔡之間。吾犯此數患。親交益疎。徒友益散。何與。子桑戶曰。子獨不聞假人之亡與。林回棄千金之璧。負赤子而趨。或曰。為其布與。曰。赤子之布寡矣。為其累與。赤子之累多矣。棄千金之璧。負赤子而趨。何也。林回曰。彼以利合。此以天屬也。夫以利合者。迫窮禍患害相棄也。以天屬者。迫窮禍患害相收也。夫相收之與相棄。亦遠矣。且君子之交淡若水。小人之交甘若醴。君子淡以親。小人甘以絕。無故以合者。則無故以離。孔子曰。敬聞命矣。

心齋說

仲尼論師心。回曰。吾無以進矣。敢問其方。仲尼曰。齋。回曰。回家貧。不飲酒。不茹葷者數月。若此。可以為齋乎。曰。是祭祀之齋。非心齋也。回曰。敢問心齋。仲尼曰。若一志。無聽之耳。而聽之心。無聽之心。而聽之氣。聽

止於耳。心止於符氣也者。虛而待物者也。惟道集虛。虛者心之齋也。顏回曰。回之未得。使實自回也。得使之也。未始有回也。可謂虛乎。夫子曰。盡矣。

坐忘說

夫坐忘者。無所不忘。既忘其迹。又忘其所以迹。內不覺一身。外不識天地。曠然與變化為體。而無不通也。

將迎說

顏淵問乎仲尼曰。回嘗聞諸夫子曰。無有所將。無有所迎。回敢問其遊。仲尼曰。古之人。外化而內不化。今之人。內化而外不化。與物化者。一不化者也。安化安

不化。安與之相靡。必與之莫多。豈常氏之囿。黃帝之圃。有虞氏之宮。湯武之室。君子之人。若儒墨者師。故以是非相整。也。况今之人乎。聖人處物。不傷物。傷物者。物亦不能傷也。惟無所傷者。為能與人相將迎。山林與臯壤與。使我欣欣然而樂與。樂未畢也。哀又繼之。哀樂之來。吾不能禦。其去弗能止。悲夫。世人直謂物逆旅耳。夫知遇而不知所不過。知能能而不能所不能。無知無能者。固人之所不免也。夫務免乎人之所不免者。豈不亦悲哉。至言去言。至為去為。齊知之所知。則淺矣。

三省說

曾子曰。吾聞之。夫子之三言。未之能行也。夫子見人之一善。而忘其百非。是夫子之易事也。夫子見人善。若已有之。是夫子之不爭也。聞善必躬親行之。然後道之。是夫子之能勞也。夫子之三言也。吾學之而不能行。

痾僂丈人說

仲尼適楚。出于林中。見痾僂者承蜩。猶掇之也。仲尼曰。子巧乎。有道耶。曰。我有道也。五六月累丸二而不墜。則失者錙銖。累三而不墜。則失者十一。累五而不墜。猶掇之也。吾處身也。若厥株拘。吾執臂也。若槁木之枝。雖天地之大。萬物之多。而惟蜩翼之知。吾不反不側。不以萬物易綢之翼。何為而不得。孔子顧謂弟子曰。用志不分。乃疑于神。其痾僂丈人之謂乎。

操舟說

顏淵問。仲尼曰。吾嘗濟乎觴深之淵。津人操舟若神。吾問焉。曰。操舟可學耶。曰。可。善遊者數能。若乃夫沒人。則未嘗見舟而便操之也。吾問焉。而不吾告。敢問何謂也。仲尼曰。善遊者數能忘水也。若乃夫沒人之未嘗見舟而便操之也。彼視淵若陵。視舟之覆。猶其

車却也。覆却萬方。陳乎前而不得入其舍。惡往而不
暇。以瓦注者巧。以鉤注者憚。以黃金注者殫。其巧一
也。而有所矜。則重外也。凡外重者內拙。

禮聖全書卷之三終

